



仁和縣誌（康熙）一

# 仁和縣志

中國海疆舊方志



本學沿革

廟

啟聖祠

教職題名

鄉賢

卷六

水利

城內水利

六井

城外水利

修築海塘要略

潮候

陡門閘筭堰

卷七

恤政

養濟院

惠民藥局

鄉厲

義塚

預備倉

壇廟

卷八

名宦

知縣

縣丞

教諭

訓導

科貢

進士

舉人

歲貢

例貢

人材

楷書

經明行修

功臣教讀

陰錄監生

卷九

人物

宦蹟

忠烈

風節

剛正

廉介

文學

隱逸

義槩

耆善

卷十

人物

孝行

義夫

節婦

方技

釋道

墳墓

卷十一

寺觀

卷十二

寺觀

卷十三

書籍

碑碣

紀遺

紀事

卷十四

紀遺

紀文

附贊襄人員姓名

崇府掌史邑人沈璫

助銀一二兩

忻州同知邑人潘錯

助銀一兩

餘杭庠生邑人畢德

助米一石  
志二冊

夷堅

隣邑義士里人虞相

助銀四兩

本邑鄉善同里章默

助米一石

本邑鄉善同里章松

助米二石

本邑庠生門人施森

校正

本邑庠生里人姚公溥

校正

國子監生門人俞龍 助銀一兩兼校

本郡庠生門人賈炯 校正

國子監生里人姚公器 校正

休邑義士汪珪 助銀一兩

仁和縣志卷一

湖廣江陵縣知縣致仕仁和沈朝宣纂著

封畛

自古建邦設都體國經野必始于辨封畛封畛辨則遐邇昭縱衡察公私別通塞彰紛紛藉藉之民可以運諸掌上不然則混淪疑似之閒易至此侵彼奪爲併爲兼其何能統一駕馭也耶是以有志於治者未嘗不以封畛爲急務焉仁和爲杭郡首邑其甸治區畫實外邑之具瞻爲是乃志封畛

建置沿革

仁和爲郡首邑其地在禹貢揚州之域自秦罷侯  
置守始有令焉乃置錢唐縣屬會稽郡時則今日  
仁和之土地人民悉混于其閒至西漢改爲會稽  
西部都尉治所逮東漢乃省其縣晉復置之屬吳  
郡陳改爲錢塘縣隋改爲杭州唐改唐爲塘宋元  
因之五代梁龍德二年錢氏據浙始割錢塘鹽官  
地置錢江縣以治錢塘至宋太平興國三年因錢  
氏納土乃改錢江縣爲仁和縣後高宗南渡幸杭  
因見縣名仁和乃曰此故都城門名也而建都之  
意遂決

考

臨安志載東漢朱雋封錢唐侯註引錢唐  
記云郡議曹華信作塘以捍海潮募人致  
土石一斛與錢一千遂名曰錢唐太平寰宇  
記與元和郡縣志相同按秦置會稽郡為縣  
二十六錢唐居其一始皇東遊已至此豈待  
華信而後名唐字本不從土舊志引詩曰中  
唐有甃釋云唐途也至唐始加土後人遂因  
之或曰仁和沿革何以辯及錢塘蓋以秦時  
仁和之地統于  
錢塘故及之

分野

吳越之分屬星紀

周禮鄭氏註星紀吳越也

漢天文志斗江湖

牽牛婺女揚州又地理志吳地斗分野也今之會稽

九江丹陽豫章廬江廣陵六安臨淮盡吳地也

漢律厯志註蔡邕月令章句云自斗六度至須女

二度謂之星紀之次分野又郡國志註帝王世紀云自斗一十一度至婺女七度曰星紀之次斗建在子吳越分也 晉天文志魏太史令陳卓言郡國所入宿度自南斗十二度至須女七度爲星紀吳越之分野屬揚州 隋志自斗十二度至須女七度爲星紀於辰在丑爲吳越分野 唐天文志星紀得雲漢下流百川歸焉故其分野自南河下流窮南紀之曲東南附海爲星紀又曰南斗牽牛星紀也丑初起南斗九度餘千四十二秒十二太中南斗二十四度終女四度逾南河得會稽涉越

門訖南海爲星紀之分古吳越及東南百越之國

南斗在雲漢下流當淮海間爲吳分牽牛去南河

寢遠自豫章迄會稽南逾嶺徼爲越分

按咸淳臨安志云班

固取三統歷十二次配十二野其說雖詳然未及  
度數至魏陳卓取費直等說然後分畫起某度至  
某度及唐一行兩戒之說分南北河及吳越門以  
雲漢紀之其術詳矣然晉唐二史所指吳越度數  
亦有少異蓋乾象推遷前後有差殊耳此說得之

宋史兩浙路當天文南斗須女之分 元史斗四

度三十六分六十六秒外吳越分星紀之次

皇明大一統志斗分

日爲丁史記天官書註引星經云斗玉衡第六星

主揚州常以五巳日候之丁巳爲吳郡會稽

謂此日占

斗星之邑也

其辰爲丑東漢郡國志吳越其辰在丑晉隋及元

志同

其五星爲火史記天官書吳楚之疆候在熒惑占

於鳥衡

漢天文志同

唐天文志星紀鶉尾以

負南海

本志註曰負者以其在雲漢之陰也

其神在于衡山熒惑位

焉

評曰

分野之說肇于周禮保章氏豈徒託諸空言無裨于實用哉易曰天垂象見吉凶又曰聖人仰以觀象于天文蓋欲君子者察天省己以慎諸行事不俾有戾于治以召天殃

仁和爲杭之屬邑其星分近統于杭遠統于  
浙要亦大約言之何者地形一定而不移天  
運周旋而不滯以每日昏曉占之似各有分  
屬其實無分屬也苟或拘拘分別曰某星屬  
某郡某星屬某邑則是膠柱調瑟不足  
與語造化之妙矣其何裨于治道也耶

### 疆界

本縣四境東西相距六十里南北相距八十二里  
至到東至海甯縣上舍涇界六十里自界至海  
甯縣四十七里西至錢塘門抵城而止南至紹興  
府蕭山縣漁浦界二十八里自界至蕭山縣一十  
里北至湖州府德清縣五林村界四十五里自界  
至德清縣三十六里東南至紹興府蕭山縣西興